

SANCTISSIMI IN CHRISTO PATRIS, ET DOMINI NOSTRI
BENEDICTI XIII. PONT. MAX.

CONSTITUTIO

Renovatoria Bullæ Apostolici Ministerii circa disciplinam præsertim
Regularem pro Regnis Hispaniarum.

BENEDICTUS PAPA XIII.

Ad perpetuam rei memoriam.



ASTORALIS Officii sollicitudo nos admonet in his vigilantie, & auctoritatis Nostræ partes libenter interponere, ut quæ à Romanis Pontificibus prædecessoribus Nostris ad Dominici Gregis, animarumque salutem, & directionem provide constituta reperiuntur, suum plenum fortiantur effectum. Cum itaque quamplurimum ex Venerabilibus Fratribus Archiepiscopis, & Episcopis Regnorum Hispaniarum literis non ita pridem intellexerimus, Constitutionem pro Ecclesiasticæ disciplinæ in eisdem Regnis conservatione, & instauratione à fel. record. Innocentio PP. XIII. Prædecessore Nostro die xiiij. Maii 1723. post maturum consilium editam, quæ incipit: *Apostolici Ministerii &c.*, ac subinde à Nobis per quasdam Nostras in simili forma Brevis die 23. Septembris 1724. desuper expeditas literas, quibus totum ipsius Constitutionis tenorem inseruimus, confirmatam, & innovatam, per nonnullos præsertim Regulares in dd. Regnis degentes haud omnino, ut par erat, servari, quinimò ejus executionem variis artibus, inanibusque prætextibus retardari, atque eludi; graviter commoti fuimus, nec desuimus conceptum inde dolorem, ac indignationem Nostram cum Superioribus Generalibus ipsorum Ordinum communicare, eisque disertè explicare firmam, constantemque voluntatem, ac intentionem Nostram esse, ut memorata Constitutio promptè, & omnimodæ executioni demandaretur, & in transgressores, seu inobedientes condignis penis animadverteretur; Ipsi verò Superiores Generales pro ea, qua præditi sunt, prudentia, probitate, & filiali in Nos, & hujus Sæ Sedis mandata obsequio, id contra, & præter eorum mentem, ac non sine intimo animi sui mœrore, accidisse Nobis ingenuè declararunt, vehementer etiã improbantes quidquid contra eamdem Constitutionem scripto, vel factò attentatum fuerit per aliquot suos subditos, pro quibus erroris, ac noxæ veniam à Nobis suppliciter implorarunt, simulque polliciti sunt sedulam se daturòs operam, ut quæ in ea facienda, servandaque præscribuntur, ab omnibus, & singulis suis Religiosis absque mora adimplèantur. Licet autem Nos non minus ad enixas eorundem Superiorum Generalium preces, quam ob peculiarem paternæ charitatis affectum, quo Religiosas semper prosequuti sumus, & prosequimur Familias, in quorum altera, inclyto nempè Fratrum Prædicatorum Ordine diù versati sumus, à penis adversus dictos transgressores infligendis ablineamus, nihilominus quæcumque hætenus ad remorandam, sive eludendam, aut quomodolibet impediendam prædictæ Constitutionis executionem à nonnullis ex præfatis Regularibus scripta, acta, & gesta fuerunt cum inde sequitis, & quandoquidem sequitur, auctoritate Apostolica

tenore præsentium reprobamus, & damnamus, ac pro reprobatis, & damnatis ab omnibus haberi volumus, & decernimus.

Præterea gravius mentis Nostræ super eadem Constitutione testimonium, ac iudicium perhibere volentes, districtè, ac in virtute sanctæ Obedientiæ Nobis Vicaria Christi potestate in Terris fungentibus ab Universis Christianis debite, harum serie denuò præcipimus, & mandamus, ut exactè, & inviolabiliter, omnique colore, prætextu, titulo, & contraria quavis interpretatione prorsus sublatis, servantur omnia, & singula in enarrata Innocentii Prædecessoris Constitutione sancta, ordinata, declarata, ac quoquo modo contenta, quæ Clericorum Sæcularem, tum Regularem prædictorum Regnorum concernunt, etiam juxta formam in hisce literis Nostris, ut infra, præscribendam. Cum igitur in eadem Constitutione inter alia cautum fuerit, ne in Monasteria, Conventus, & Domos tam Virorum, quam Mulierum plures Personæ reciperentur, quam quæ vel ex proventibus ipsorum Monasteriorum, Conventuum, aut Domorum, sive ex consuetis elemosynis, aliisque obventionibus in commune conferendis possint commode sustentari; Hinc pro firmiori saluberrimæ istius sanctionis robore statuimus, ut Superiores eorundem Monasteriorum, Conventuum, & Domorum subditis suis, sive Clericis, sive Conventis ibidem degentibus subministrari curent, & faciant omnia ad victum, & vestitum necessaria; Et si plures Religiosos in aliquo Conventu nunc existere compertum fuerit, quam in eo juxta modum præmissum sustentari valeant, Superior Provincialis, sive Prælatus eos ad alterum ejusdem Provinciæ Conventum, qui ipsorum sustentationi idoneus, & sufficiens sit, statim transferat; Quatenus verò numerus Religiosorum in singulis Provinciis degentium, vires Conventuum uniuscujusque Provinciæ respectivè excedat, non alii deinceps ad Religiosum habitum in ea suscipiendum admittantur, donec per obitum hodie viventium illò redactus sit, ut commodè ali valeant. Dilecto filio moderno, & pro tempore existenti Nostrò, & Apostolica Sedis in eisdem Hispaniarum Regnis Nuncio serio injungentes, quatenus sedulo curet, ut præmissa plenarium suum effectum obtineant, prout illi in dicta Constitutione demandatum fuerat.

Similiter volumus, ut in promotione Regularium ad Ordines, decretum pie memoriæ Clementis PP. VIII. Prædecessoris etiam Nostrî, juxta memoratam Constitutionem accuratissime observetur, districtè quoque inhibentes omnibus Archiepiscopis, & Episcopis præfatis, ne eisdem Ordines conferre præsumant alicui Regulari, qui vel in Monasterio, sive Conventu intra suam Diocesim sito non degat, vel si de familia Monasterii, seu Conventus alterius Diocesis fuerit, litteras dimissorias sui Superioris Regularis non exhibeat, servata in præmissis decreti Clementis, ac Constitutionis Innocentii Prædecessorum prædictorum dispositione.

Eisdem quoque Archiepiscopis, & Episcopis sub interminatione Divini iudicii denuò præcipimus, ut quibuscumque mulierum Monasteriis tam sibi subjectis, quam etiam quomodolibet exemptis, omni studio, ac diligentia incumbant, & advigilent executioni eorum, quæ pro custodienda Sanctimonialium clausura, impediendoque in dicta Monasteria exterorum ingressu tum in Sac. Concilii Tridentini Decretis, tum in Constitutione similis memor. Gregorij PP. XIII. Prædecessoris itidem Nostrî, quam idem Innocentius Prædecessor in præfata sua Constitutione innovavit, desuper sancita fuerunt.

Porro injungimus quoque exactam ejusdem Innocentii Constitutionis ob-

servantiam circa Confessiones à Regularibus prædictis, nec etiam ex Indulgo, quod eis competere perperam prætenditur in vim Bullæ Cruciatæ Sanctæ nuncupatæ, nec ex alio quocumque privilegio excipendas absque præcedente approbatione, & licentiâ Ordinarii pro tempore existentis loci, in quo Sacramentum poenitentiae ministratur, servata quocumque limitatione, quæ in ipsa licentiâ ab eodem Ordinario adjecta fuerit, vel quoad tempus, vel quoad locum, vel genus Personarum; Declarantes, quod in omnibus casibus prædictis confessiones aliter factæ, & respectivè exceptæ nullæ, atque invalidæ, ipsique Confessarii eo ipso suspensi erunt.

Ad hæc rursus prohibemus, atque interdiciamus, ne Regulares cujuscumque Ordinis, & Institutij excipere audeant Confessiones Monialium, etiam eorum regimini subjectarum, & ab Ordinarii Jurisdictione quomodolibet exemptarum, nisi, ultra licentiâ suorum Superiorum Regularium, examinati fuerint, & pro ipsarum Monialium Confessionibus audiendis specialiter approbati ab Episcopo Diocesano; Et si secus factum fuerit, tunc quoque Confessiones irritas, & Confessarios ipso jure suspensos fore itidem declaramus; Ab hujusmodi tamen lege, & ordinatione ad supplicationem Dilecti Filii Nostri Ludovici S.R.E. Cardinalis Belluga, & Moncada nuncupati eximius Superioris Generales, ac etiam Provinciales cujusvis Ordinis Regularis, quires Moniales, ut Confessiones Monialium sibi tamen subjectarum dumtaxat, absque istiusmodi speciali approbatione Episcopi Diocesani audire licite, & validè possint, permittimus, & indulgemus.

Et quia mentis, ac intentionis Nostræ est, ut remota quavis diversa intelligentiâ, & interpretatione præcisè serventur ea, quæ in eadem Innocentij Prædecessoris Constitutione super assignatione, seu deputatiõe Confessarii extraordinarii Monialibus sub Prælatorum Regularium gubervio viventibus disposita fuerunt, statuimus quoque, ut Superiores, qui Decretum illud quocumque titulo, vel prætextu non servaverint, vel ejus executioni aliquod impedimentum directè, aut indirectè præbuerint, ipso facto suspensionem ab eorum Officiis, nec non privationem vocis tam activæ, quàm passivæ incurrant.

Eisdemque poenis eo ipso, & absque alia declaratione incurrendis subijcimus etiam Regulares, qui sancitis, & ordinatis tum à rec. memor. Clemente PP. XI., tum ab ipso Innocentio Prædecessoribus quoad celebrationem Missæ in Oratoriis privatis, sive eorundem Regularium Cellis, nec non usum Altaris gestatorii, seu portatilis qualitercumque contravererint, seu minime obtemperaverint.

Decernentes pariter easdem præsentis litteras semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quodcumque spectabit, in omnibus, & per omnia plenissimè suffragari, & ab eis respectivè inviolabiliter, & inconcussè observari debere; & ab eis respective inviolabiliter, & inconcussè observari debere; & non aliter per quoscumque Iudices Ordinarios, & Delegatos etiam Causarum Palatii Apostolici Auditores, ac ejusdem S.R.E. Cardinales etiam de Latere Legatos, ac Sedis præfatæ Nuncios, aliosve quoslibet quacumque præminentia, & potestate fungentes, & functionarios, sublata eis, & eorum cuilibet quavis aliter judicandi, & interpretandi facultate, & auctoritate, ubique judicari, & definiti debere, ac irritum, & inane si secus super his à quoquam quavis auctoritate scienter, vel ignoranter contigerit, attentari. Non obstantibus præmissis, ac quatenus opus sit Nostra, & Cancellariæ Apostolicæ Regula de Jure quæsito non tollendo, aliisque Constitutionibus, &

Ordinationibus Apostolicis, nec non quoruncumque Ordinum, Congregationum, Institutorum, & Societatum, etiam Jesu, & quorumvis Monasteriorum, Conventuum, Ecclesiarum, Locorum Piorum, aliisve quibusvis etiam juramento, Confirmatione Apostolica, aut quavis firmitate alia roboratis, Statutis, & Consuetudinibus, ac prescriptionibus quantumcunque longissimis, & immemorabilibus, Privilegiis quoque, Indultis, & Literis Apostolicis, Ordinibus, Congregationibus, Institutis, & Societatibus, etiam Jesu, ac Monasteriis, Conventibus, Ecclesiis, & Locis Piis prædictis, illorumque respectivo Superioribus, aliisve quibuslibet personis, etiam specialissima mentione dignis, sub quibuscumque verborum tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque, & aliis decretis, etiam motu proprio, ac ex certa scientia, & de Apostolica Potestatis plenitudine in genere, vel in specie, aut alias quomodolibet in contrarium præmissorum concessis, confirmatis, & innovatis. Quibus omnibus, & singulis, etiamsi pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, illorum omnium, & singulorum tenores, ac si de verbo ad verbum exprimerentur, & insererentur, nihil penitus omisso, & forma in illis tradita observata, eisdem præsentibus pro expressis, & insertis habentes, illis alias in suo robore permanens, ad præmissorum effectum, hac vice dumtaxat specialiter, & expressè derogamus, cæterisque contrariis quibuscumque. Ut autem eadem præsentis literæ ad omnium notitiam facilius deveniant, volumus, illas, seu earum exempla ad Valvas Ecclesiæ Lateranensis, ac Basilicæ Principis Apostolorum, necnon Cancellariæ Apostolicæ, Curiaque Generalis in Monte Citorio, & in Acie Campi Floræ de Urbe, ut moris est, affigi, & publicari, sicque publicatas, & affixas omnes, & singulos, quos illæ concernunt, perinde arctari, & affigere, ac si unquam eorum nominatim, & personaliter intimata fuissent; utque ipsarum literarum transumptis, seu exemplis etiam impressis manu alicujus Notarii publici subscriptis, & sigillo Personæ in Ecclesiastica Dignitate constitutæ munitis, eadem prorsus fides tam in Judicio, quam extra illud adhibeatur, quæ ipsis præsentibus adhiberetur si forent exhibitæ, vel ostense. Datum Romæ apud S. Petrum sub Annulo Piscatoris die 27. Martii 1726. Pontificatus Nostri Anno Secundo.

F. Card. Oliverius.

Loco * Annuli Piscatoris.

Anno à Nativitate Domini millesimo septingentesimo vigesimo sexto, Indictione quarta, die vero 28. mensis Martii, Pontificatus autem SS. in Christo Patris, & D.N.D. BENEDICTI Divina Providentia Papæ XIII. anno secunda supradictæ Literæ Apostolicæ affixæ, & publicatæ fuerunt ad Valvas Basilicæ Lateranensis, Principis Apostolorum, & S. Mariæ Majoris, Cancellariæ Apostolicæ, Montis Citorio, & in Acie Campi Floræ, & aliis locis solitis, & consuevis Urbis per me Franciscum Marchetti Apost. Curs.

Nicolaus Cappelli Mag. Curs.

ROMÆ, Typis Reu. Camera Apostolicæ, 1726.